



2023/0222(NLE)

7.12.2023

TUAIRIM

ón gCoiste um Fhorbairt

chuig an gCoiste um Thrádáil Idirnáisiúnta

ar an togra le haghaidh cinneadh ón gComhairle maidir le tabhairt i gcrích, thar ceann an Aontais, an Chomhaontaithe Comhpháirtíochta Deonaí idir an tAontas Eorpach agus Poblacht an Chósta Eabhair i ndáil le forfheidhmiú an dlí, rialachas agus trádáil i dtaca le foraoisí adhmaid agus táirgí adhmaid chuig an Aontas Eorpach (FLEGT)
0000/2023 – C9-0000/2023 – 2023/0222(NLE))

Rapóirtéir don tuairim: Carlos Zorrinho

PA_Leg_Consent

RÉASÚNÚ GEARR

Chuaigh an Coimisiún i mbun caibidlíochta le Poblacht an Chósta Eabhair in 2013 agus thug sé an chaibidlíocht faoin gComhaontú Comhpháirtíochta Deonaí (VPA) i gcrích i mí Dheireadh Fómhair 2022.

Tá ceann de na rátaí dífhoraoisithe is airde ar domhan ag an gCósta Eabhair. De réir an Bhainc Dhomhanda, sa bhliain 2020, ní raibh ach 8.9 % (2.8 milliún heicteár) de thalamh an Chósta Eabhair clúdaithe le foraoisí, i gcomparáid le 24.7 % in 1990. I measc na gcúiseanna leis an meath sin tá talmhaíocht fairsing, trádáil cócó, saothrú foraoisí atá rialaithe go dona chun freastal ar na héilimh ar adhmaid agus ar fhuinneamh ó adhmaid agus inniúlacht forfheidhmithe dlí na n-údarás poiblí i rialachas foraoise atá lag.

Le déanaí, tá gealltanais tugtha ag rialtas an Chósta Eabhair rialachas foraoise a fheabhsú i gcomhpháirt le gníomhaithe idirnáisiúnta agus áitiúla, chun cumhdach foraoise a mhéadú go 20 % faoi 2030. In 2014, sheol sé an Clár Náisiúnta um an gComhshaol agus um Fhoroaisí, a bhfuil sé mar aidhm leis dífhoraoisí a laghdú agus cleachtais inbhuanaithe úsáide talún a chur chun cinn. Ina theannta sin, leis an gCód Foraoiseachta nua a glacadh in 2019, cuireadh feabhas suntasach ar reachtaíocht foraoiseachta an Chósta Eabhair. Chuir sé agraforaoisí, foraoisí pobail, foraoisí beannaithe leis an liosta rangaithe agus rinne sé an creat dlíthiúil níos rannpháirtí, ag éileamh go mbeadh pobail áitiúla rannpháirteach i dtionscnaimh bainistíochta agus cosanta foraoise.

Cuidíonn an tionscal foraoiseachta go mór fós le geilleagar an Chósta Eabhair agus le slite beatha áitiúla. Mar sin féin, tá cuid mhór de faoi úinéireacht eachtrach agus níltear ar an eolas ach faoi chuid bheag as 40 speiceas foraoise coimhthíoch agus áitiúil a phróiseáiltear agus a onnmhairítear mar adhmaid, rud a fhágann go ndéantar róshaothrú ar limistéir foraoise áirithe. Is chuig an Aontas a théann thart ar 50 % d'onnmhairí adhmaid an Chósta Eabhair.

Bhí ról ríthábhachtach gníomhach ag ionadaithe ón rialtas, ón tsochaí shibhialta, ón earnáil phríobháideach agus ó phobail dhúchasacha mar chomhaltaí den Choiste Caibidlíochta Teicniúla i bpróiseas caibidlíochta VPA leis an Aontas, lena n-áirítear i ndearadh treo-chláir. Leis an bpróiseas sin, cuireadh comhthéacs níos fabhraí ar fáil chun beartas foraoise a chur chun feidhme ar bhealach níos cuimsithí agus chun córas nua úinéireachta foraoise a chruthú. Is é is aidhm don Chomhaontú dlíthiúlacht a áirithiú in earnáil na foraoiseachta adhmaid ina hiomláine agus i dtrádáil leis an Aontas, agus ag an am céanna tacú le rialtas an Chósta Eabhair bainistiú níos fearr a dhéanamh ar a acmhainní nádúrtha, ina bhfuil ról lárnach ag mná anois, agus an lománaíocht neamhdhleathach a chomhrac.

Beidh cur chun feidhme rathúil VPA ag brath ar thiomantas leanúnach agus ar thoil pholaitiúil an Chósta Eabhair. Ba cheart go neartófaí cúnaimh an Aontais chun tacú le cur chun feidhme VPA mar chuid den phróiseas athbhreithnithe ar chlár déthaobhach an Aontais don tréimhse 2025-2027.

Iarrann an Coiste um Fhorbairt ar an gCoiste um Thrádáil Idirnáisiúnta, mar an coiste atá freagrach, a mholadh go dtabharfaí formheas don togra le haghaidh cinneadh ón gComhairle maidir le tabhairt i gcrích an Chomhaontaithe Comhpháirtíochta Deonaí idir an tAontas

Eorpach agus Poblacht an Chósta Eabhair i ndáil le forfheidhmiú an dlí maidir le foraoisí, rialachas agus trádáil adhmaid agus táirgí adhmaid chuig an Aontas Eorpach (FLEGT).

IARSCRÍBHINN: EINTITIS NÓ DAOINE ÓNA BHFUAIR AN RAPÓIRTÉIR DON TUAIRIM IONCHUR

Dearbhaíonn an Rapóirtéir faoina fhreagracht eisiach nach bhfuair sé ionchur ó aon eintiteas ná ó aon duine atá le lua san Iarscríbhinn seo de bhun Airteagal 8 d'Iarscríbhinn I a ghabhann leis na Rialacha Níos Imeachta.

NÓS IMEACHTA – COISTE AR IARRADH TUAIRIM AIR

Teideal	An Comhaontú Comhpháirtíochta Deonaí idir an tAontas Eorpach agus Poblacht an Chósta Eabhair i ndáil le forfheidhmiú an dlí, rialachas agus trádáil i dtaca le foraoisi adhmaid agus táirgí adhmaid chuig an Aontas Eorpach (FLEGT)
Tagairtí	2023/0222(NLE)
An Coiste atá Freagrach	INTA
Rapóirtéir don tuairim Dáta an cheapacháin	Carlos Zorrinho 9.10.2023
Dáta an ghlactha	7.12.2023
Toradh na vótála críochnaithí	+: 16 –: 1 0: 3
Feisirí a bhí i láthair ag an vótáil chríochnaitheach	Barry Andrews, Hildegard Bentele, Stéphane Bijoux, Mercedes Bresso, Udo Bullmann, Catherine Chabaud, Christophe Clergeau, Charles Goerens, Mónica Silvana González, Pierrette Herzberger-Fofana, György Hölvényi, Erik Marquardt, Eleni Stavrou, Miguel Urbán Crespo, Bernhard Zimniok
Substitutes present for the final vote	Caroline Roose, Carlos Zorrinho
Comhaltáí ionaid faoi Riail 209(7) a bhí i láthair don vótáil chríochnaitheach	Marie Dauchy, Jarosław Duda, Aušra Maldeikienė

VÓTÁIL CHRÍOCHNAITHEACH LE GLAO ROLLA SA CHOISTE AR IARRADH TUAIRIM AIR

16	+
ID	Marie Dauchy
PPE	Hildegard Bentele, Jarosław Duda, György Hölvényi, Aušra Maldeikienė, Eleni Stavrou
Renew	Barry Andrews, Stéphane Bijoux, Catherine Chabaud, Charles Goerens
S&D	Mercedes Bresso, Udo Bullmann, Christophe Clergeau, Mónica Silvana González, Carlos Zorrinho
The Left	Miguel Urbán Crespo

1	-
ID	Bernhard Zimniok

3	0
Verts/ALE	Pierrette Herzberger-Fofana, Erik Marquardt, Caroline Roose

Eochair do na siombailí a úsáidtear:

+ : i bhfabhar

- : i gcoinne

0 : staonadh